


[www.BibleForChildren.org](http://www.BibleForChildren.org)



Juan 14



Nuna tii: "Atumek wi tajim nunú anentaimtakjum  
wake besemag anentaimá pujuigpajum; Apajuiyai  
dekaskeapi takujum, minaishkam dekaskeapi titajum.  
Mina Apajú jeenig kuashat pujumain awai, nu iman au  
asantai, wi atum pujustinnak umigkatjime tusan  
weajai."



“Yamai wenu atum pujustinun umikan, ataktú wakettsanuk taattajai, mina pujutaijui pujustajum tusan atumin juwakun.”



Witjai Juagkaitjai, Jesusa nemaju asan atumi  
yatsumitjai, atum waitiajum nunisnuk  
waitiaknush Jesusan nemaju asan

emamkesan katsunjau  
asan atumjai betek




Apajuí inamtaijin  
pujutnaitjai.



Wika Apajuí chicheme etsegbaunum nuigtú  
Jesús pachisi etsegtamunum achigka-gmatai  
ajuntai Patmos tutainum pujubiajai.



Nuna taig, Wakaní sENCHIJÍ minai tajutuabi,  
nunikmatai diikman nayaimpinum ekeemtai  
umikbaunum makichik ekeemtatman wainkabiajai.




Nuigtú ashí najankamu nayaimpinum, awa nunú,  
nugkanmaya, nuigtú nugká initkenia aidaush,  
nayantsanmayashkam, ashí wají  
aidau nui aina dushakam, senchi  
chichakag: "iEkeemtainum eketa  
anú, Uwigjai kantamjuinaku, eme  
anentsá ememattai senchigtina  
ibau asamtai  
ajumaish tuke  
ememattai  
atin atí!",  
awajuidaun  
antukbaijai.



Nuigtush wainkabiajai yaakat pegkejam yamajam  
Jerusalegka nu nayaimpinmaya Apajuí puja nuiya  
akaetatman, duka nuwa aishinatin shiig  
iwagmamjauwa imanuyi. Nuniamunum nayaimpinmaya  
senchi untsumun antukbaijai, nuniak: "Juajui aents

aina duka  
Apajuijai  
ijunag  
pujustatui, nigka  
ditajai pujustatui.  
Nunitai dita niina  
aentsji agtinai,  
Apajuiya duke ditá  
Apajuiji atinai."






Nuniku ai, ángel iwaintugkabi makichik namak pujuta  
sukagtin tsuwatchau, vidrio saawiya iman, Apajuí  
ekeemtaijin Uwigjai eketbaunmaya jiantatman.



Yaakta duka etsanak nantunakesh atsumchabi  
tsaaptin emati tusag; wagki Apajuí tsaaptinjiya duke  
tsaaptin emau asamtai, nuigtush Uwija nuuyi niina  
lamparajig.



Nunú yaaktanmag aents pegkegchau  
tsumain aina nuna takau aidauk,  
wait aina dushakam  
wayachagtinai. Uwijá  
papiijin pujutan jukiú  
agattaiya nui daaji  
agatkamu aina duke  
wayawagtinai.




“Nuniau asa ashí ditá  
negaikinak ujugtuktinai.  
Nuigtush atsutnai jaamu,  
buutbau, waitiaku untsubau,  
najaimamushkam, wagki  
nagkamchak wají aajakajua  
duka atsusaju asagmatai”,  
timayi.




Nuigtushkam awig makichkish pegkegchau  
chichagdaiyamuk atsutnai. Apajuí ekeemtaiji  
nuigtush Uwijá ekeemtaijiya dushakam nu yaaktanum  
atinai, nunin asamtai niina inake aidaushkam niinak  
emematiagtinai.

Nunidau asag paan  
igkua wainiagtinai,  
tuja ditá nijayinish  
Apajuí daaji  
agatkamu  
agtinai.




Wainkabiajai jakau aidaun, eme anentsá diitai, eme anentsá diishtai aidaujai Apajuí ekeemtaijin eketa nuna eemtin ijuntatman; nunikmatai papí aidaun ujakmayi, tikich papinash ujakmayi papí pujutan jukiu agattaiya nuna; nunikmatai jakau aidaunak papinum dita takasbauji agakbau aina nuiyan diisá dutiksag suwimkanak sumayi.

Aents pujutan jukitin agattaiya nui papinum daaji agatjashbau aidaunak nui utsawagmayi.



Nuniai Wakan nuigtú, Uwijá nuwega nujai: "Minitá",  
tuinawai. Ni antaushkam "Minitá", titi. Ni kitamauk  
minítí, ni wakegauk yumi pujutan sukagtina nuna  
anenjauch uwagti.



Wagki Apajuí ashí aentstin senchi  
anejatu asa, Uchijí makichkiuchia nuna  
sujamsauwai, ashí niina dekaskeapi  
tuidauk megkaekashtinme,  
ayatak pujut nagkanchau  
ajitnume tau asa.





Romanos 3:23 Ashí aentstik betek tunamaku asaja,  
Apajuí diismak pegkejak wantinkachuitji.

Romanos 6:23 Tudauk Apajuiyai datumkagtawai; untsu  
Apajuí anenjauch sujama duka iina Apuji Cristo Jesusjai  
ijutkau pujamunum pujut tuke atin juwamua nuuwai.

Hebreos 9:27 Tuja nunisag aents aidaushkam makichkia  
jakati tibau ainawai, nunik dui nagkaemamainai Apajuiyai  
dekagmamatatus.

Efesios 2:8,9 Wagki atumek dekaskeapi tabauwai wait  
anenjá uwentikjamu ainagme; nunak atum pegkeg  
takasbauwai dutikachui, Apajuí nigki anenjauch  
uwemtanak amasajui, duka ii pegkeg takasbauwai uwemat  
jukichu asaja, ii emematmamainuk makichkish  
atsugtamji.



Romanos 10:9,10 Ame wenimin chichakam: Jesusak mina Apujui takum, anentaiminish Jesús jakauwa nunash Apajuiyap dekas inankiuwaita takumek uwemjau atatme.

Wagki anentainum dekaskeap nunikuita tabaunum pegkeg ainagme tama ainaji. Tuja, iina wenin chichaká Jesusak mina Apujui tabaunum uwemtak junawai.

Juan 3:16,17 Wagki Apajuí ashí aentstin senchi anejatu asa, Uchijí makichkiuchia nuna sujamsauwai, ashí niina dekaskeapi tuidauk megkaekashtinme, ayatak pujut nagkanchau ajitnume tau asa. Wagki Apajuik Uchijinak ju nugka juig aents aidaun suwimkan susati tusag awemachui, ayatak aents aidau niini uwemtan jukitnume tusa awemauwai.



1 Juan 5:11-13 Juuwai etsegtamua duka: Apajuí  
pujut tuke atinun sujamsamua nu, nunú pujutak  
niina Uchijin awai.

Apajuí Uchijijai ijutkau pujuidautik, pujut tuke  
atina nu ajutjamainaji. Untsu Apajuí Uchijijai  
ijutkau pujuinachuk, pujut tuke atina duka  
atsujuinawai.

Jujú aina junak Apajuí Uchijiya nu dekaskeapi  
tuidau asajum, pujut nagkanchau jukiwaitjum nunú  
aidautigmin dekaatnume tusan agatjime.



Juan 14; 2 Corinthians 5; Apocalipsis. 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Aguaruna Bible (agr) © 2020, Wycliffe Bible  
Translators, Inc.

<https://live.bible.is/bible/AGRTBL/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

